

ხელშეკრულება № 517
(სახელმწიფო შესყიდვების შესახებ)

ქ. თბილისი

18/11/2019 წ

ერთის მხრივ, სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის“ (შემდგომში „შემსყიდველი“) მისი გენერალური დირექტორის ამირან გამყრელიძის სახით და მეორეს მხრივ, შპს „კომში“ (შემდგომში „მიმწოდებელი“) მისი დირექტორის ლელა ციხისელის სახით, 2019 წლის 18 სექტემბერს NAT190018318 გამოცხადებული ელექტრონული ტენდერის შედეგების მიხედვით ვაფორმებთ ხელშეკრულებას შემდეგზე:

1. ხელშეკრულების შესყიდვის ობიექტი

1.1. საგანმანათლებლო/საინფორმაციო და სოციალური სახის კლიპების დამზადება და საეთერო დროის შესყიდვა მასობრივ საინფორმაციო საშუალებებში - (ტელევიზია, რადიო, ინტერნეტ მედია, კინოთეატრი) (CPV92100000), (შემდგომში „მომსახურება“), დანართი #1-ის შესაბამისად.

2. ხელშეკრულების საფუძველი

2.1. „სახელმწიფო შესყიდვების შესახებ“ საქართველოს კანონი.

2.2. „2019 წლის ჯანმრთელობის დაცვის პროგრამების დამტკიცების შესახებ“ საქართველოს მთავრობის 2018 წლის 31 დეკემბრის N693 დადგენილების შესაბამისად.

2.3 დაფინანსების წყარო: ჯანმრთელობის ხელშეწყობის სახელმწიფო პროგრამის „თამბაქოს მოხმარების კონტროლის გაძლიერების“ კომპონენტის ფარგლებში.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს 120500 (ასოციათას ხუთასი) ლარს (მომსახურების შესყიდვასთან დაკავშირებული ყველა გადასახადის გათვალისწინებით).

3.2. წინამდებარე ხელშეკრულებით გათვალისწინებული მომსახურება ხორციელდება ხელშეკრულების დანართ №1-ში განსაზღვრული გეგმა-გრაფიკის შესაბამისად, რომელიც წარმოადგენს ხელშეკრულების განუყოფელ ნაწილს.

4. ხელშეკრულების კონტროლი

4.1. ხელშეკრულების შესრულების კონტროლს განახორციელებს - „შემსყიდველის“ სახელმწიფო შესყიდვების ხელშეკრულებების შესრულების კონტროლის ჯგუფი ან/და შესაბამისი ფუნქციებით აღჭურვილი პირი რომელიც წარმოქმნილი საჭიროებიდან გამომდინარე, განახორციელებს ინსპექტირებას, რაც გულისხმობს ხელშეკრულების პირობების შესრულების კონტროლს.

4.2. ინსპექტირების განხორციელებასთან დაკავშირებული ყველა საჭირო საბუთის წარდგენა, ფინანსური ხარჯის და საორგანიზაციო საკითხების გადაწყვეტა ეკისრება მიმწოდებელს.

4.3. ინსპექტირებასა და მიღება-ჩაბარებაზე პასუხისმგებელი პირები არიან: ცენტრის ჯანმრთელობის ხელშეწყობის სამმართველოს უფროსი ლელა კვაჭანტირაძე და ჯანმრთელობის ხელშეწყობის სამმართველოს სპეციალისტი ანა პაპასკირი.

5. შესყიდვის ობიექტის ხარისხი

5.1. „მომსახურების“ უხარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი სახსრებით დაუყოვნებლივ უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

6. შესყიდვის ობიექტის მიწოდების პირობები, ადგილი და ვადები

6.1. „მომსახურების“ გაწევის ვადა: ხელშეკრულების გაფორმებიდან 2019 წლის 20 დეკემბრის ჩათვლით.

6.2. „მომსახურების“ გაწევის ადგილი: საქართველო, ქ.თბილისი, კახეთის გზატკეცილი #99;

7. შესყიდვის ობიექტის მიღება-ჩაბარების წესი

7.1. მომსახურების მიწოდების დასრულების შემდგომ ფორმდება მიღება-ჩაბარების აქტი.

7.2. შემსყიდველი ორგანიზაციის მიერ განხორციელდება მოწოდებული მომსახურების შემოწმება, რომელსაც

განხორციელებს შემსყიდველი ორგანიზაციის მიერ სპეციალურად შექმნილი ინსპექტირების ჯგუფი.

7.3. წარმოდგენილ ანგარიშ ფაქტურას ან/და სასაქონლო ზედნადებს (არსებობის შემთხვევაში) შემსყიდველის მხრიდან ხელს აწერს სათანადოდ უფლებამოსილი წარმომადგენელი, ხოლო მიმწოდებლის მხრიდან მის მიერ უფლებამოსილი პირი.

7.4. მიმწოდებელმა უნდა უზრუნველყოს შემსყიდველისათვის 7.3. პუნქტში მითითებული დოკუმენტაციის წარდგენა მომსახურების დანიშნულების ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება მიმწოდებელს.

7.5. „მომსახურების“ მიღების დროს გამოვლენილი დეფექტისა და ნაკლის აღმოფხვრას, საკუთარი ხარჯებით უზრუნველყოფს „მიმწოდებელი“.

7.6. იმ შემთხვევაში, თუ „შემსყიდველის“ მიერ საბოლოო შემოწმების შედეგად გამოვლენილი იქნება „მომსახურების“ უხარისხობა, იგი წერილობით აცნობებს „მიმწოდებელს“ წუნდების მიზეზების მითითებით და მოითხოვს სათანადო კომპენსაციას.

8. ანგარიშსწორების წესი, ფორმა და ვადები

8.1. ანგარიშსწორების ფორმა იქნება: უნაღდო ანგარიშსწორება მიმწოდებლის საბანკო ანგარიშზე თანხის ჩარიცხვის გზით ფაქტობრივად გაწეული მომსახურების შესაბამისად.

8.2. ანგარიშსწორება განხორციელდება ყოველთვიური გაწეული „მომსახურების“ ღირებულების შესაბამისად, მიღება-ჩაბარების აქტის გაფორმებიდან 30 დღის განმავლობაში.

8.3. ანგარიშსწორება განხორციელდება ლარებში.

9. მხარეთა უფლება-მოვალეობანი

9.1. „შემსყიდველი“ უფლებამოსილია შეწყვიტოს ხელშეკრულება ხელშეკრულებით გათვალისწინებული პირობების შეუსრულებლობის, მათ შორის „მომსახურების“ ხარისხის,

„მომსახურების“ ვადის და/ან მიწოდების პირობების გაუარესების გამო, აგრეთვე მე-12 მუხლით გათვალისწინებული პირობების შემთხვევაში;

9.2. „შემსყიდველი“ ვალდებულია უზრუნველყოს გაწეული მომსახურების ღირებულების დროული გადარიცხვა მიმწოდებლის საბანკო ანგარიშზე;

9.3. „შემსყიდველი“ უზრუნველყოფს ყველა საჭირო საკონსულტაციო შეხვედრას;

9.4. „მიმწოდებელი“ უფლებამოსილია მოსთხოვოს „შემსყიდველს“ „მომსახურების“ ღირებულების დროული გადარიცხვა მის საბანკო ანგარიშზე;

9.5. „მიმწოდებელი“ ვალდებულია უზრუნველყოს ამ ხელშეკრულებით განსაზღვრული ხარისხის „მომსახურების“ მიწოდება შემსყიდველისათვის ხელშეკრულებით დადგენილი პირობების შესაბამისად;

9.6. „მიმწოდებელი“ ვალდებულია ხელშეკრულების თანდართული დანართების შესაბამისად უზრუნველყოს მომსახურების გაწევა.

9.7. „მიმწოდებელი“ ვალდებულია განახორციელოს პროგრამით გათვალისწინებული ღონისძიებები ხარისხიანად და შესყიდვის ობიექტის დეტალური აღწერაში მითითებული ჩამონათვალის შესაბამისად;

9.8. „მიმწოდებელი“ ვალდებულია წარმოადგინოს შემდეგი შესასრულებელი სამუშაო:

9.8.1. მინ 2 სატელევიზიო კლიპი ჩაწერილი 3 ცალ DVD ფორმატზე.

9.8.2. მედიაში კლიპების განთავსების გეგმის (ხადის) წარმოდგენა.

9.8.3. კინოთეატრებში რეკლამის განთავსების გეგმის წარმოდგენა.

9.8.4. ავტომობილების რეჟიმში თამბაქოსათვის თავის დანებების ცხელი ხაზისათვის 2 წუთიანი რეკომენდაციების ხმოვანი ფაილი.

9.8.5. რადიო არხებზე რეკლამების განთავსების გეგმა.

9.8.6. ანიმაციური ბანერები და განთავსების ვადები.

9.8.7. ყოველთვიური პროგრამული ანგარიშები ელექტრონულად და შემაჯამებელი პროგრამული ანგარიში წლის ბოლოს.

9.9. „მიმწოდებელი“ უზრუნველყოფს გამოყენებული მასალების ავთენტურობას და ინტელექტუალური საკუთრების დაცვას;

9.10. „მიმწოდებელი“ უზრუნველყოფს დამკვეთის საავტორო უფლებების დაცვას „საქართველოს კანონის საავტორო უფლებების შესახებ“ დაცვით.

9.11. „შემსყიდველისა“ და „მიმწოდებლის“ მიერ ხდება წინასწარი შეთანხმება ნებისმიერი გამოყენებული მასალის/ტექსტის შესახებ

10. ხელშეკრულების პირობების შეუსრულებლობა (პირგასამტეხლო)

10.1. ხელშეკრულებით ნაკისრი ვალდებულების ვადების დარღვევის შემთხვევაში „მიმწოდებელს“ ეკისრება პირგასამტეხლოს გადახდა დარჩენილი გასაწევი „მომსახურების“ ღირებულების 0,05%-ის ოდენობით ყოველ ვადაგადაცილებულ დღეზე დაანგარიშებით.

10.2 ხელშეკრულებით გათვალისწინებული სხვა პირობების დარღვევის შემთხვევაში, „მიმწოდებელი“ ერთჯერადად იხდის პირგასამტეხლოს ხელშეკრულების ღირებულების 2%-ის ოდენობით დარღვევის ყოველი ფაქტის დაანგარიშებით.

10.3. ხელშეკრულების მე-10 მუხლით გათვალისწინებული პირგასამტეხლოს გარდა, ხელშეკრულებით ნაკისრი ვალდებულებების შეუსრულებლობისათვის საჯარიმო სანქციები რეგულირდება „დადგენილებით“.

10.4. იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს შემსყიდველს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

10.5 საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

10.6. „შემსყიდველს“ შეუძლია ასევე მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

10.6.1. თუ „მიმწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „მომსახურება“;

10.6.2. თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „მომსახურების“ მიწოდება სრულად ან დადგენილ ვადებში;

10.6.3. თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე.

10.6.4. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.6.5. „მიმწოდებლის“ გაკოტრების შემთხვევაში.

10.7. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

10.8. „მიმწოდებელი“ იღებს ვალდებულებას უზრუნველყოს პირგასამტეხლოს თანხის გადახდა წერილობითი შეტყობინების მიღებიდან 10 (ათი) სამუშაო დღის განმავლობაში.

11. დაუძლეველი ძალის მოქმედება

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

11.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“

და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით. რომელსაც ცნობენ მხარეები.

11.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამოიწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისაგან.

11.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

12. ხელშეკრულების შეწყვეტა

12.1. ხელშეკრულება შეიძლება შეწყდეს ერთ-ერთი მხარის ინიციატივით მხარეთა ურთიერთშეთანხმების საფუძველზე.

12.2. ხელშეკრულების 12.1 პუნქტით გათვალისწინებულ შემთხვევაში მხარე ვალდებულია მეორე მხარეს აღნიშნულის თაობაზე აცნობოს წერილობით, არაუგვიანეს 15 სამუშაო დღით ადრე.

12.3. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

13. სადავო საკითხების გადაწყვეტა

13.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

13.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

14. გამოსაყენებელი სამართალი

14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების ენა

15.1. ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

16. ურთიერთობა მხარეებს შორის

16.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. ხელშეკრულების სხვა პირობები

17.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

17.2. „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.

17.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

17.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

18. ხელშეკრულების მოქმედების ვადა

18.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან. 18.2. ხელშეკრულების მოქმედების ვადა განისაზღვრება: 2020 წლის 31 იანვრის ჩათვლით.

18.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

18.4. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ

19. განსაკუთრებული შენიშვნები

19.1. ხელშეკრულება შედგენილია ელექტრონულად და „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად.

20. მხარეთა რეკვიზიტები

„შემსყიდველი“

სსიპ „ლ. საყვარელიძის სახ. დაავადებათა კონტროლის
და საზოგ. ჯანმრთელობის ეროვნული ცენტრი“


მისამართი: თბილისი, კახეთის გზატკ. #99

საიდენტიფიკაციო კოდი: 211324351

სახელმწიფო ხაზინა: TRESGE22

ა/ნ: GE24NB0330100200165022

გენერალური დირექტორი:


_____ ამირან გამყრელიძე

„მიმწოდებელი“

შპს „კომში“

მისამართი: ნუცუბიდის 179.

საიდენტიფიკაციო კოდი: 405043643

ტელეფონი: +995577997722

მომსახურე ბანკი: სს თიბისი ბანკი

ბანკის კოდი: TBCBGE22

ა/ნ GE11TB7422736080100004

დირექტორი:

_____ ლელა ციხისელი

დანართი#1

#	დასახელება	I თვე			მომსახურების ერთი თვის ღირებულება (ლარი)			მომსახურების საერთო ღირებულება (ლარი)
		I თვი	II თვი	III თვი	I თვი	II თვი	III თვი	
1	სატელევიზიო სარეკლამო კლიპების მომზადება	X	X		10500	10000		20500
2	საეთერო დროის შესყიდვა რეგიონულ რეიტინგულ ტელეარხებზე, მ.შ. პრაიმთაიმში		X	X		12500	12500	25000
3	საეთერო დროის შესყიდვა რადიოში			X			31000	31000
4	საინფორმაციო-საგანმანათლებლო სახის ბანერის განთავსება რეიტინგულ ონლაინ პორტალზე		X			11000		11000
5	ვიდეო-რგოლების განთავსება კინოთეტრებში ორი თვის განმავლობაში სეანსების წინ (2 კინოთეატრი; 2 თვე)		X	X		16000	16000	32000
6	ხმოვანი ფაილის მომზადება - ავტომოპასუხის რეჟიმში თამბაქოსათვის თავის დანებების ცხელი ხაზისათვის 2 წუთიანი რეკომენდაციების ჩაწერის მიზნით ტექნიკური და სტუდიური მომსახურების გაწევა; ხმოვანი ფაილის ცხელ ხაზთან ინტეგრირება	X			1000			1000
7	განხორციელებული აქტივობების	X	X	X	0	0	0	0
8	განხორციელებული აქტივობის ანგარიში და ანალიზი წლის ბოლოს (რეკლამირებული მასალის წვდომის მაჩვენებლებით, მ.შ. google analytics-ის მეშვეობით)			X			0	0
	სულ							120500

„სახელმწიფო შესყიდვების შესახებ“ საქართველოს კანონის (მუხლი 8) და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების (მუხლი 5) შესაბამისად ქვემოთ ხელისმომწერი პირები ვადასტურებთ, რომ მიმწოდებელთან შპს „კომში“-სთან ურთიერთობა არ იწვევს ინტერესთა კონფლიქტს.

ვიზები:

ვ.გეთია

ო.ნამიჭიშვილი

გ.ქობალია

ლ.სტურუა

ნ.მარჯანიძე

ლ.ებანოიძე

შ. ჭილაშვილი

ლ.კვაჭანტირაძე

ა.პაპასკირი

ა.მეტრეველი

შემსრულებელი: კ.კობახიძე